



25 godina diskriminacije

Dvadeset peta godišnjica Dejtonskog mirovnog sporazuma stavila je u fokus ono što je postignuto u miru ali i urgentnu potrebu rješavanja anomalija poslijeratnog mirovnog uređenja. Te anomalije, koje su prihvачene kada je prevashodna potreba bila da se okonča krvoproljeće, sprečavaju Bosnu i Hercegovinu da ide naprijed, izjavio je danas visoki predstavnik Valentin Inzko.

On je rekao da je „apsolutni prioritet“ implementirati presudu Evropskog suda za ljudska prava od 22. decembra 2009. godine u predmetu Sejadić-Finci. Visoki predstavnik je rekao da se moraju implementirati i presude Evropskog suda za ljudska prava u predmetima Zornić, Pilav i Šlaku, kao i u posljednjem predmetu Pudarić, kako bi se okončala diskriminacija građana BiH po osnovu njihove nacionalne pripadnosti ili prebivališta.

„Poštivanje prava jednog građanina znači poštivanje prava *svih* građana“, rekao je visoki predstavnik, dodavši da je to „osnovni postulat moderne demokratije“. On je rekao da građani BiH „ne žele diskriminaciju. Oni žele pravdu; oni žele sigurnost; oni žele slobodu od korupcije i straha“, te je dodao da će u 2021. godini „građani nastaviti zahtijevati ove stvari – pitanje je hoće li bh. politički lideri i dalje pronalaziti izgovore za njihovo uskraćivanje. Vjerujem da su mnogi politički lideri shvatili da je vrijeme za promjene. Vrijeme je da se građanima Bosne i Hercegovine pruži ono što s pravom zahtijevaju. To znači poštivanje temeljnih prava građana; to znači slijediti zakone, provoditi zakone, poštivati zakone.“

„Nije stvar samo u provođenju sudske presude i provođenju međunarodnih obaveza BiH – iako je to suština“, rekao je visoki predstavnik. „Radi se o zaštiti prava svih građana BiH i uklanjanju diskriminacije njenih građana. Radi se također o poštivanju jednog od najstarijih načela civilizacije, *jednakosti*. Ovo mora biti glavni prioritet izabranih predstavnika. Godina 2021. predstavlja stvarnu priliku da se približimo cilju, a to je da Bosna i Hercegovina postane dom svih svojih građana i građanki, jednakih na cijelom teritoriju BiH, bez obzira na njihovu etničku pripadnost ili mjesto prebivališta – a provođenje presude Evropskog suda za ljudska prava će biti veliki korak u tom pravcu.“